



In dumënia ai 13 de Má é gnü sughé la otava partida dl ritorno dl campionat 2011/2012 de 3° categoria por La Val. La partida é gnüda sugada fora de ciasa cuntra la squadra da Prettau (che é ultims te campionat).

La Val é jüs a Prettau por se ciarié sö y por ciafè la miú condiziun fisica por la proscima partida, le ritorno de Copa te ciasa cuntra la squadra da Aicha (andata 3 a 3).

Bel da mëter man dla partida é La Val plü prigorusc, na punizin de Micky röia sura porta fora. Püch dedò el Florian y Micky che röia cun na bela combinaziun jö por la fascia, al röia en bel cross ite a mez por Alex che ne é nia bun da oje le pal te porta cun le cé. Mo i avversarsc ne dorm nia, sön na bela aziun feji gol, mo le atacant é de püch in fuorigioco. Le gol vëgn anulé. Micky á ince na gran oportunité da fa gol. Sön na picia mischia röia la pala alta tl cinch, al mët jö le pal y tira bel avisa ados a en avversar, sön la ribatüda é Alex Elz. che pro ciàmò en iad le tiro, che vëgn indò ribatü.

Püch dant che le prüm tēmp se röia é La Val che vá in vantaje. Alex fesc en bel palonetto al defensur, che archita spo la pala cun la man, insciö dal le arbiter le rigore. Micky se prejentëia y spiazëia le portier. La Val mina bel da jí in vantaje te spogliatoi. Mo bel avisa dant che l'arbiter fischiëia feji le 1 a 1. Sön na gran aziun, ciafa en atacant en bel passaggio filtrante, insciö se portel cuntra Sepl y cun en bel tiro sön le prüm palo fejel gol.

Le prüm tēmp se stlusc jö sön le 1 a 1.

(TI secundo tēmp mētl prēsc man da nuvēi y al é en gran frēit)

Pūch dô che le secundo tēmp á metū man se porta le Prettau in vantaje. En atacant se porta ite por l'area, Sepl fesc na bela uscita y abina la pala. Mo de chēl rōia adalerch Paolo che fesc na scivolata y maza jō le avversar. Insciō dal le rigore le arbiter. Sepl vëgn spiazé dal tiro che rōia bas dlungia l'ater palo ite. A mumēnc ti garetel cíamò le 3 a 1. En gran tiro da lunc é Sepl cíamò bun da aziché y rōia bel avisa sōn la traversa.

A mesa le secundo tēmp é Micky che fesc en bel cros a Florian ite a mez, al é bun da mēt jō la pala de petto y cun en gran destro sōn le palo lunch fejel en bel gol, che porta La Val sōn le 2 a 2. Pūch dedô él Micky che fesc cuaji le 2 a 3. Sōn en bel cros el bun da mēt jō la pala tla picera area, mo so tiro vëgn bel avisa abiné da en defensur che ê sōn la riga.

Spo ala fin dla partida é La Val che ciafa cíamò 3 poniziuns. Üna é Ivan che tira de pūch sura fora, l'atra é Micky che tira te bariera. Mo l'ultima é le arbiter che anulëia le gol, regulariscimo. I sogadusc compreso le portier da Prettau vëgn fora al limite a protestè cuntra le arbiter. Florian mēt atira jō la pala y fesc en passaggio in profundité a Ivan che po jí te porta y apogé ite, zēnza le portier. Mo le arbiter anulëia le gol, an ne sa nia ciudí.

La partida se stlūsc jō insciō sōn le 2 a 2.

Cun chēsc punt davagné resta La Val al 8.

□

La formaziun titolara: Kantioler Sepl, Tavella Thomas, Alton Alex, Vallazza Paolo, Sottara Werner, Frenes Micky, Sottara Stefan, Sottara Freddy, Verginer Franzi, Rubatscher Florian y Frenes Micky.

□

Sostituziuns:

Frenes Egon por Elezenbaumer Alex

Tschaffert Ivan por Sottara Freddy

Miribung Adrian por Tavella Thomas

□

Por udèi i atri resultač drüca (ince di atri campionač ulache sogadusc da La Val süga para) drüca: [resultač](#)